

Aktiaatillit kinaassusersineqarnissaat, paasisutissanik ingerlatitseqqiineq aamma aktiaatillit pisinnaatitaaffiisa eqqortinneqarnissaannut oqilisaaneq pillugit Kalaallit Nunaannut inatsisissit siunnersuutip eqikkarnera

Imarisai

1. Inatsisissatut siunnersuutip siunertaa
2. Aktiaatillit pisinnaatitaaffii pillugit peqqussut
3. Naammassinninnermut peqqussut
4. Inatsimmut ilusiliussaq toqqarneqartoq

1. Inatsisissatut siunnersuutip siunertaa

Inatsisissatut siunnersuutip siunertaraa, Aktiaatillit kinaassusersineqartarnerat, paasisutissanik ingerlatitseqqittarneq aamma aktiaatillit pisinnaatitaaffiik suliaqarnerup oqilisarneqarnera eqqarsaatigalugit, Europa-Parlamentip aamma Rådip peqqussutaat 2007/36/EF-imi aalajangersakkat naammassineqarnissaat pillugu minnerpaamik piunasaqaatinik aalajangersaanissaq pillugu (EU) nr. 1212/2018, 3. september 2018-imeersumi Isumalioqatigiissitap naammassinninnissamut peqqussutaani aalajangersakkanut assingusunut, Kalaallit Nunaannut aalajangersakkanut assingusunut, Kalaallit Nunaannut naammassineqarnissaannut tunngavimmik pilersitsinissaq, Europa EU-tidende L 223, qupp. 1 (kingorna taagorneqartoq naammassinninnermut peqqussut), aamma peqqussummut allannguutinut, tassunga ilagitillugit peqqussummut allannguutit, Kalaallit Nunaanni pissutsinut naapertuuttut.

2. Aktiaatillit pisinnaatitaaffii pillugit peqqussut

Pigineqatigiiffinni pappialanik nalilinnik niuerfinni niuerutaasinnaasuni aktiaatillit pisinnaatitaaffii aalajangersimasut pillugit Europa-Parlamentip aamma Rådip peqqussutaat 2007/36/EF-ikkut (kingorna aktiaatillit pisinnaatitaaffii pillugit peqqussummik taagorneqartukkut) maleruagassanik eqqussisoqarpoq, taakku pigineqatigiiffinni EU-mi angerlarsimaffeqartuni aktiaataat EU-mi tunitsivinni maleruagasaqartuni niuerutaasinnaasuni ataatsimeersuarnerni aktiaatillit pisinnaatitaaffiik suliaqarnerit oqilisaassiffigineqarlutik. Ungasinnerusumut isigaluni akuulluni piginnittuunissaq eqqarsaatigalugu, peqqussut 2007/36/EF-ip allanngortinneqarnissaa pillugu aktiaatillit pisinnaatitaaffiit pillugit peqqussummut (Europa-Parlamentip aamma Rådip peqqussutaat (EU) 2017/828, 17. maj 2017-imeersoq, peqqussut 2007/36/EF-ip allanngortinnissaanut, pineqartillugu siunissaq ungasinnerusoq eqqarsaatigalugu suleqataalluni piginnittuunerup ilalernissaa, EU-tidende L828, qupp. 1) allannguutip ungasinnerusumut isigaluni akuulluni piginnittuunissap siuarsarnissaa siunertaraa. Pigineqatigiiffinnik pitsaasumik aqutsinnermut aktiaatilinnik akuutitsineq tassaavoq pigineqatigiiffiit aningaasaqarnikkut aamma aningaasaqarnermut tunngasuunngitsunik angusaannik pitsanngorsaataasinnaasoq, ilanngullugit pissut-sinik avatangiisinut, inooqatigiinnermut aqutsinnermullu tunngasut pitsanngorsarneqarsinnaal-lutik, pingaartumik akisussaassuseqartumik aningaasaliissuteqarnermut tunngavinni Naalagaaf-fiit Peqatigiinnit tapersorsorneqartumi pineqartut. Tamatuma saniatigut pitsaasumik aqutsi-nermut soqutiginnittut taamaasa, pingaartumik sulisut, annertunerusumik akuutinneqarnerat pigineqatigiiffiit pappialanik nalilinnik niuerfinni niuerutaasinnaasut tungaannit ungasinne-rusumut isigaluni angusaqarfiunerulernissap qulakkeernissaanut pingaaruteqartumik akuuvoq, tamannalu siuarsarneqassaaq aamma ilanngullugu eqqarsaatigineqassalluni. Kommissionip oqarnera malillugu aningaasaqarnikkut ajornartorsiornerup nalaani aqutsisut qanittumut isiga-

lutik annertuumik aarlerinaateqartunik aalajangiisarnerinut aktiaatillit amerlaqisut tapersersu-isarsimanagerat allannguutip ilaatigut tunuliaqutaraa. Peqqussutip allanngortinneqartup aktiaatillit taakkualu kinaassusaat pillugit paasissutissanik aktiaatillit piginneqatigiiffiullu akornanni paar-laaqatigiittarneq pitsanngortippai, aqutsisunut ilaasortat aningaasarsiaqartitaanerannik paasisi-masaqarneq pitsan-ngortillugu, qanimut peqatigisanut nuussisarnerit maleruagassaqaalersillugit kiisalu annerusumik paasiuminassuseqarneq eqqunneqarluni. Peqatigisaanillu paasissutissanik ingerlatitseqqittarneq pillugu minnerpaamik piumasagaatinik aalajangersaanissamut allanngu-utitup peqqussutikkut Kommissiomi piginnaatinneqalerpoq. Taanna tunngavik naammassinninneq pillugu peqqussummi pilersinneqarpoq.

Aktiaatillit pisinnaatitaaffii pillugit peqqussutikkut piginneqatigiiffiit pappialanik nalilinnik niuerfinni niuerutaasinnaasut pisinnaatitaaffeqalerput aktiaatillit akuullutik piginnittuunissaasa tapersorsinnaanissaat siunertaralugu aktiaatillit kinaassusersinissaannut. Maleruagassat taakku piginneqatigiiffiit pillugit inatsisip, aningaasanik niuerfiit pillugit inatsisip, aningaasaqarnermik suliffiuteqarneq pillugu inatsisip, aamma inatsisit allat assigiinngitsut allanngortinneqarnissaat pillugu inatsit nr. 369, 9. april 2019-imeersukkut piginneqatigiiffiit pillugit inatsisip allanngor-tinneqarneratigut naammassineqarput (Ungasinnerusumut isigaluni akuulluni piginnittuunissap kaammattuutigineqarnissaa pillugu aktiaatillit pisinnaatitaaffii pillugit peqqussutip allanngor-tinneqarnerata naammassineqarnera). Inatsisit taakku kunngip peqqussutaatigut Kalaallit Nunaannut atuutsinneqalernissaat eqqarsaataavoq.

3. Naammassinninnermut peqqussut

Aktiaatillit pisinnaatitaaffii pillugit peqqussummi aalajangersakkat assigiissaartumik piviusun-gortinneqarnissaasa qulakkeerneqarnissaat naammassinninnermut peqqussutip siunertaraa. Taamaalilluni naalagaaffinni pitsaassutsinik imminnut tulluutinnngilluinnartunik eqqussisoqan-ginnissaa peqqussutikkut qulakkeerneqarpoq, taakkunatigut killeqarfiit akimorlugit nuussinerni aarlerinaatit aningaasartuutillu annertusissammata, aamma aalajangerskkat sunniutaat angusa-qarfiulluarnissaallu ajoquserneqassallutik. Paasissutissanut assigiinngitsunut annertussusilius-sanut oqaatsinullu piumasagaatit minnerpaaffissaat peqqussutikkut aalajangersarneqarput, ilan-ngullugit aktiaatillit kinaassusaat pillugit paasissutissanik tunineqarnissamik qinnuteqaatinut taakkunungalugu akissutitut, ataatsimiigiaqqusissutinik nassiussinernut, ataatsimeersuarnermi aktiaatilitut pisinnaatitaaffinnik atorluaasinnaanerup uppernarsarneqarneranut, ataatsimeer-suarnermi aktiaatilitut peqataasinnaanermit nalunaarutinut, tiguisimanagermik uppernarsaatit annertussusilernerannut aamma taasinernik nalunaarsuinnermut kisitsinernullu kiisalu piffissa-liussanut piginneqatigiiffinni pisoqarnerani allakkiortut akunnermuliuttut malittussaasaannut, aamma aktiaatillit kinaassusaannik paasiniaanermit suleriaatsinut. Naammassinninnermut peq-qussut 3. september 2020-mi atuutilerpoq.

Nuussinerni paasissutissanut nalunaaruteqarnerillu aqqissugaanerannut ataatsimoorussamik annertussusiliussat atorneqarnissaat naammassinninnermut peqqussutikkut siuarsarneqarpoq, taamatullu iliornikkut angusaqarfiulluurtumik uppernassusilimmillu suliarinninnissaq periarfis-saqartinneqalerluni aamma akunnermuliuttut, allakkiortut taakkualu aktiaatiliisa akornanni assi-giissaagaasumik sulisinnaassuseqarneq siuarsarneqarlutik, taamatut iliornikkut EU-mi aktiat pillugit aningaasaqarnermik niuerfiit tapersersorneqarput.

Naammassinninnermut peqqussut taamaallaat minnerpaaffissanut najoqqutassanik imaqarpoq, aamma taamatut iliornikkut akunnermuliuttut tunitsivinnilu peqataasut kaammattorneqarput tunisivinni assigiinngitsuni annertussusiliussanut nammineq maleruagassiornissamut. Taamaa-lilluni akunnermuliuttut tunitsivinnilu peqataasut allat annertunerusumik assigiissaarinnermik naammassinnissinnaapput, assersuutigalugu nalunaaruteqariaatsinut allanut, taakku aktiaatillit

pisinnaatitaaffiinik suliaqarnerup oqinnerulersitsinissamut pisariaqartinneqarpata, soorlu aamma teknologiinik nutaanik paasinassutsimik tatiginninnermullu siuarsaataasunik eqqussisinnaasut.

Allakkiortup malittarisassatigut angerlarsimaffiani naalagaaffimmi suli inatsiseqartuassaaq, taakkualu aktiaatillit pisinnaatitaaffiisa sulissutiginerannik siuarsaaniarluni akunnermuliuttut pisussaaffinnik sunik aalajangersimavissumik eqqortitsisussaanerannut aalajangiisussaapput. Taakkununga pisariaqarpat aktiaatillit ataatsimeersuarnermi peqataanissamut pisinnaatitaaffiannik uppersaateqarnissamut pisussaaffeqarnerat aamma peqataanissamut nalunaarutip allagaqartumut nassiunnissaanut pisussaaffeqarneq ilaasinnaapput. Tamatumunnga atatillugu peqataanissamut taamatut nalunaaruteqarnermi paasissutissat qanoq ittut ilaatinneqarnissaanut minnerpaaffissanut najoqqutassat aalajangersarneqassapput. Maleruagassat taakku Danmarkimi piginneqatigiiffiit pillugit inatsisip, aningaasanik niuerfiit pillugit inatsisip, aningaasaqarnermik suliffiuteqarneq pillugu inatsisip, aamma inatsisit allat assigiinngitsut allanngortinneqarnissaat pillugu inatsit nr. 369, 9. april 2019-imeersukkut piginneqatigiiffiit pillugit inatsisip allanngortinneqarneratigut naammassineqarput (Ungasinnerusumut isigaluni akuulluni piginnittuu-nissap kaammattuutigineqarnissaa pillugu aktiaatillit pisinnaatitaaffii pillugit peqqussutip allanngortinneqarnerata naammassineqarnera). Inatsisit taakku kunngip peqqussutaatigut Kalaallit Nunaannut atuutsinneqalernissaat eqqarsaataavoq.

Aktiaatillit pisinnaatitaaffii pillugit peqqussut aamma naammassinninnermut peqqussut inatsisissatut siunnersuutikkut aamma kunngip peqqussutaatigut siunissami tassaalissapput piginneqatigiiffiit pappialanik nalilinnik niuerfinni niuerutaasinnaasut aktiaateqartuminnik attaveqararnerannut Kalaallit Nunaanni inatsisitut sinaakkusiussat soorlu aamma EU-mi. Maleruagassat nuussinerni paasissutissanut nalunaaruteqarnernullu aaqquussuussinernut ataatsimoorussamik annertussusiliussat atornerisigut aktiaatillit pisinnaatitaaffiisa sulissutiginerat oqinnerulersinneqassaaq.

4. Inatsimmut ilusiliusaaq toqqarneqartooq

Kalaallit Nunaat EU-mut ilaasortaangilaq, taamaattumillu aalajangersakkat naammassinninnermut peqqussummi aalajangersakkat assigisaat Kalaallit Nunaannut atuutsinneqalissappata, tamanna Kalaallit Nunaat eqqarsaatigalugu inatsisikkut pissaaq. Piginneqatigiiffinni Kalaallit Nunaanni imaluunniit EU-mi angerlarsimaffeqartuni, aamma taakku aktiaataat Kalaallit Nunaanni imaluunniit EU-mi tunitsivinni maleruagassaqartuni niuerutaasinnaatillugit ungasinnerusumut isigaluni akuulluni piginnittuunissamut sinaakkutinik pilersitsinissaaq inatsisissatut siunnersuutip siunertaraa, taamatut iliornikkut piginneqatigiiffinnik pitsaasumik aqutsinnermut aktiaatillit annerusumik akuutinnerisigut piginneqatigiiffiup aningaasaqarnikkut aamma aningaasaqarnermut tunngasuunngitsunik angusai pitsanngorsarniarneqarlutik. Naammassinninnermut peqqussut naapertorlugu maleruagassat Danmarkimi atuuttut assigisaasa, Kalaallit Nunaannili pissutsinut tulluarsagaasut Kalaallit Nunaannut atuussinnaanissaanut tunngavissap qulakkeerneqarnissaa inatsisissatut siunnersuutip siunertaraa.